

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka) i člana 26., 36. i 37. Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo, broj: 10/20, 18/20 i 29/20), Vlada Kantona Sarajevo, na 112. vanrednoj sjednici održanoj 31.12.2020. godine, donijela je

ODLUKU

O USVAJANJU IZMJENA I DOPUNA PROGRAMA UTROŠKA SREDSTAVA SA KRITERIJIMA RASPODJELE SREDSTAVA TEKUĆIH I KAPITALNIH TRANSFERA MINISTARSTVA SAOBRAĆAJA KANTONA SARAJEVO UTVRĐENIH IZMJENAMA I DOPUNAMA BUDŽETA KANTONA SARAJEVO ZA 2020. GODINU

Član 1.

Usvaja se Program utroška sredstva za: "Tekući transferi drugim nivoima vlasti i fondovima", ekonomski kod 614100; "Subvencije javnim preduzećima - GRAS i CTS", ekonomski kod 614400; "Realizacija projekata izgradnje primarnih gradskih saobraćajnica", ekonomski kod 615300; "Kapitalni transferi javnim preduzećima", ekonomski kod 615400; "Nabavka stalnih sredstva u obliku prava", ekonomski kod 821500, s kriterijima raspodjele tekućih i kapitalnih sredstva kantonalnog Ministarstva saobraćaja, utvrđenih u razdjelu 14. Budžeta Kantona Sarajevo za 2020. godinu ("Službene novine Kantona Sarajevo", br. 10/20, 18/20 i 29/20).

Član 2.

Program utroška sredstava sa kriterijima raspodjele sredstava tekućih i kapitalnih transfera

Tekući transferi drugim nivoima vlasti i fondovima

R.br.	Naziv program	Korisnik sredstava	Visina sredstva
1.	Transferi općinama investiciono održavanje saobraćajne infrastrukture	Općine u kantonu Sarajevo	1.100,00 KM

1. Transferi općinama za investiciono održavanje saobraćajne infrastrukture

Svrha programa:

Finansijska podrška općinama u Kantonu Sarajevo za realizaciju projekata investicionog održavanja saobraćajne infrastrukture iz njihove nadležnosti.

Izvor sredstva:

Budžet Kantona Sarajevo za 2020. godinu.

Kriteriji za dodjelu sredstva:

Sredstva će se dodjeljivati u skladu sa utvrđenim prioritetima na prijedlog općina u Kantonu Sarajevo.

2. Subvencije za javni prevoz

R.br.	Naziv program	Korisnik sredstava	Visina sredstva
1.	Subvencioniranje troškova javnog prevoza za kategoriju korisnika penzioneri i slijepa i slabovidna lica	Penzioneri, slijepa lica, slabovidna lica	8.600.000,00 KM
2.	Subvencioniranje troškova javnog prevoza za kategoriju korisnika studenti	Studenti	2.100.000,00 KM
3.	Subvencioniranje troškova javnog prevoza za kategoriju korisnika učenici	Učenici	5.900.000,00 KM
4.	Subvencioniranje javnog prevoza za kategoriju korisnika nezaposlenih lica	Nezaposleni	250.000,00 KM
5.	Troškovi prijevoza za uposlenike sektora zdravstva i sektora sigurnosti COVID-19	Sektora zdravstva i sektora sigurnosti	300.000,00 KM
6.	Program konsolidacije, restrukturiranja i zbrinjavanja uposlenika KJKP GRAS d.o.o. Sarajevo	KJKP GRAS	2.705.000,00 KM
7.	Pokriće akumuliranog gubitka iz poslovanja KJKP GRAS d.o.o. Sarajevo.	KJKP GRAS	24.236.000,00 KM

1. Subvencioniranje troškova javnog prevoza za kategoriju korisnika penzioneri i slijepa i slabovidna lica

Svrha programa:

Subvencioniranje troškova prevoza za kategorije korisnika penzioneri koji imaju prebivalište na području Kantona Sarajevo, penzioneri povratnici na teritoriju bivšeg Grada Sarajeva i slijepa lica. Izvor sredstva:

Budžet Kantona Sarajevo za 2020. godinu

Kriteriji za dodjelu sredstva:

Kriteriji za dodjelu sredstva, uvjeti i način ostvarivanja prava te postupak ostvarivanja prava, je uređen propisima Kantona Sarajevo za ovu kategoriju korisnika.

2. Subvencioniranje troškova javnog prevoza za kategoriju korisnika studenti

Svrha programa:

Subvencioniranje troškova prevoza za kategorije korisnika redovnih i redovnih samofinansirajućih studenata na visokoškolskim ustanovama u Kantonu Sarajevo, kao i način participiranja u troškovima prevoza u javnom gradskom i prigradskom saobraćaju u Kantonu Sarajevo.

Izvor sredstva:

Budžet Kantona Sarajevo za 2020. godinu

Kriteriji za dodjelu sredstva:

Kriteriji za dodjelu sredstva, uvjeti i način ostvarivanja prava te postupak ostvarivanja prava, je uređen propisima Kantona Sarajevo za ovu kategoriju korisnika.

3. Subvencioniranje troškova javnog prevoza za kategoriju korisnika učenici

Svrha programa:

Subvencioniranje troškova javnog prevoza za kategoriju korisnika učenici osnovnih i srednjih škola na području Kantona Sarajevo.

Izvor sredstva:

Budžet Kantona Sarajevo za 2020. godinu

Kriteriji za dodjelu sredstva:

Kriteriji za dodjelu sredstva, uvjeti i način ostvarivanja prava te postupak ostvarivanja prava je uređen propisima Kantona Sarajevo za ovu kategoriju korisnika.

4. Subvencioniranje troškova javnog prevoza za kategoriju korisnika nezaposlenih lica

Svrha programa:

Subvencioniranje troškova prevoza za kategorije korisnika nezaposlenih osoba.

Izvor sredstva:

Budžet Kantona Sarajevo za 2020. godinu Kriteriji za dodjelu sredstva:

Kriteriji za dodjelu sredstva, uvjeti i način ostvarivanja prava te postupak ostvarivanja prava, je uređen propisima Kantona Sarajevo za ovu kategoriju korisnika.

5. Troškovi prijevoza za uposlenike sektora zdravstva i sektora sigurnosti - COVID-19

Svrha programa:

Organizovanje vanrednog linijskog prevoza za uposlenike iz sektora zdravstva i sigurnosti u periodu obustave javnog linijskog i vanlinijskog prevoza putnika.

Izvor sredstva:

Budžet Kantona Sarajevo za 2020. godinu

Kriteriji za dodjelu sredstva:

Sredstva se će se dodjeliti prevoznicima KJKP GRAS d.o.o. Sarajevo i Centrotrans d.d. Sarajevo koji su obavljali vanredni prevoz u periodu obustavljanja javnog linijskog i vanlinijskog prevoza putnika u cestovnom i željezničkom prevozu putnika na području

Federacije BiH.

6. Program konsolidacije, restrukturiranja i zbrinjavanja uposlenika KJKP GRAS d.o.o. Sarajevo

Svrha programa:

Realizacija programa konsolidacije preduzeća KJKP GRAS d.o.o. Sarajevo i provođenje mjera restrukturiranja. Također vrši se uplata doprinosa za penziono osiguranje u skladu sa Odlukom o usvajanju programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla ("Službene novine Federacije BiH", broj 05/07) za uposlenike KJKP GRAS d.o.o. Sarajevo.

Izvor sredstva:

Budžet Kantona Sarajevo za 2020. godinu

Kriteriji za dodjelu sredstva:

Sredstva će se uplatiti na račun Javna ustanova "Služba za zapošljavanje Kantona Sarajevo" za uposlenike KJKP GRAS d.o.o. Sarajevo koji su stekli uslove za penziju i koji su obuhvaćeni programom zbrinjavanja koji je usvojilo Ministarstvo saobraćaja, a saglasnost dala Vlada Kantona Sarajevo.

7. Pokriće dijela gubitaka KJKP GRAS

Svrha programa:

Pokrivanje pokriće dijela akumuliranog gubitka iz poslovanja KJKP GRAS d.o.o. Sarajevo.

Izvor sredstva:

Budžet Kantona Sarajevo za 2020. godinu

Kriteriji za dodjelu sredstva:

KJKP GRAS d.o.o. Sarajevo već duži niz godina posluje sa akumuliranim gubitkom i visina gubitka je visine kapitala. Finansijski položaj preduzeća je veoma loš i Kanton Sarajevo kao osnivač i vlasnik javnog komunalnog preduzeća pokušava nadoknaditi dio gubitaka iz poslovanja.

Obzirom da postoji opasnost od prekida redovnog obavljanja komunalne djelatnosti javnog prevoza putnika, što može dovesti do trajnog ne obavljanja djelatnosti i odstupanja od programa vršenja komunalne djelatnosti, te štetnih posljedica pojavni interes Kantona Sarajevo sredstva se dodjeljuju kao pokriće gubitaka iz poslovanja u prethodnom periodu u cilju smanjenja negativnih posljedica i nesmetanog obavljanja ove komunalne djelatnosti.

Kapitalni transferi Gradu i općinama

R.br.	Naziv program	Korisnik sredstava	Visina sredstva
1.	Kapitalni transferi općinama rekonstrukcija i izgradnja	Općine u Kantonu Sarajevo	1.850.100,00 KM

Kapitalni transferi općinama rekonstrukcija i izgradanja saobraćajne infrastrukture

Svrha programa:

Finansijska podrška općinama u Kantonu Sarajevo za realizaciju kapitalnih projekata rekonstrukcije i izgradnje saobraćajne infrastrukture iz njihove nadležnosti ili projekat za koje su općine implementator projekta.

Izvor sredstva:

Budžet Kantona Sarajevo za 2020. godinu

Kriterij i za dodjelu sredstva:

Sredstva će se dodjeljivati u skladu sa utvrđenim prioritetima na prijedlog općina u Kantonu Sarajevo.

Kapitalni transferi neprofitnim organizacijama

R.br.	Naziv program	Korisnik sredstava	Visina sredstva
1.	Izgradnja i ulaganje u otvaranje novih parkirališta i javnih garaža u Kantonu Sarajevo	Općine u Kantonu Sarajevo, KJKP Rad d.o.o. Sarajevo	5.000.000,00 KM
2.	Izgradnja i rješavanje imovinsko pravnih odnosa	Ministarstvo saobraćaja - Direkcija za puteve Kantona Sarajevo, općine u Kantonu, Zavod za izgradnju Kantona Sarajevo Sarajevo	24.485.128,00 KM
3.	Izgradnja i rješavanje imovinsko pravnih odnosa na I transverzali	Ministarstvo saobraćaja - Direkcija za puteve Kantona Sarajevo	10.000.000,00 KM
4.	Izgradnja zgrade na trasi Južne longitudinalne	Ministarstvo saobraćaja - Direkcija za puteve Kantona Sarajevo, Zavod za izgradnju Kantona Sarajevo	5.000.000,00 KM
5.	Realizacija projekata rekonstrukcije saobraćajnica	Ministarstvo saobraćaja - Direkcija za puteve Kantona Sarajevo, općine u Kantonu	9.000.000,00 KM
6.	Realizacija projekata izgradnje saobraćajnica - imovinsko pravni odnosi	Ministarstvo saobraćaja - Direkcija za puteve Kantona Sarajevo, općine u Kantonu, Zavod za izgradnju Kantona Sarajevo Sarajevo	1.001.000,00 KM
7.	Realizacija projekata vlastito učešće za projekte EBRD i EIB	Ministarstvo saobraćaja - Direkcija za puteve Kantona Sarajevo, općine u Kantonu Sarajevo	2.000.000,00 KM

1. Izgradnja i ulaganje u otvaranje novih parkirališta i javnih garaža u Kantonu Sarajevo

Svrha programa:

Finansiranje izgradnje i ulaganja u otvaranje novih parkirališta i javnih garaža u Kantonu Sarajevo. Izvor sredstva:

Budžet Kantona Sarajevo za 2020. godinu - namjenska sredstva, primici Kriteriji za dodjelu sredstva:

Sredstva će se dodjeljivati u skladu sa utvrđenim prioritetima na prijedlog općina u Kantonu Sarajevo i KJKP Rad d.o.o. Sarajevo.

2. Izgradnja i rješavanje imovinsko pravnih odnosa

Svrha programa:

Finansiranje izgradnja i rješavanje imovinsko pravnih odnosa na saobraćajnicama u Kantonu Sarajevo.

Izvor sredstva:

Budžet Kantona Sarajevo za 2020. godinu - primici

Kriteriji za dodjelu sredstva:

Sredstva se dodjeljuju korisniku eksproprijacije i implementatoru projekta izgradnje saobraćajnica.

3. Izgradnja saobraćajnice I transverzala

Svrha programa:

Finansiranje izgradnje saobraćajnice I transverzala.

Izvor sredstva:

Budžet Kantona Sarajevo za 2020. godinu - primici

Kriteriji za dodjelu sredstva:

Sredstva se dodjeljuju implementatoru projekta izgradnje saobraćajnice.

4. Izgradnja zgrade na trasi Južne longitudinalne

Svrha programa:

Rješavanje imovinsko pravnih odnosa na saobraćajnici Južna longitudinalna u Kantonu Sarajevo kroz izgradnju zamjenske zgrade za stanare na adresi Grbavička 62-68.

Izvor sredstva:

Budžet Kantona Sarajevo za 2020. godinu - primici Kriteriji za dodjelu sredstva:

Sredstva se dodjeljuju korisniku eksproprijacije i implementatoru projekta izgradnje nove zgrade.

5. Realizacija projekata rekonstrukcije saobraćajnica

Svrha programa:

Realizacija projekata rekonstrukcije saobraćajnica iz nadležnosti Ministarstva saobraćaja - Direkcije za puteve i općina u Kantonu Sarajevo.

Izvor sredstva:

Budžet Kantona Sarajevo za 2020. godinu - primici

Kriteriji za dodjelu sredstva:

Sredstva će se dodjeljivati u skladu sa utvrđenim prioritetima na prijedlog Ministarstva saobraćaja - Direkcije za puteve i općina u Kantonu Sarajevo.

6. Realizacija projekata izgradnje saobraćajnica - imovinsko pravni odnosi

Svrha programa:

Finansiranje izgradnja i rješavanje imovinsko pravnih odnosa na saobraćajnicama u Kantonu Sarajevo.

Izvor sredstva:

Budžet Kantona Sarajevo za 2020. godinu - budžetska sredstva

Kriteriji za dodjelu sredstva:

Sredstva se dodjeljuju korisniku eksproprijacije i implementatoru projekta izgradnje saobraćajnica.

7. Realizacija projekata vlastito učešće za projekte EBRD i EIB

Svrha programa:

Finansiranje plaćanje PDV-a za projekte koji se finansiraju iz vanjskog zaduženja.

Izvor sredstva:

Budžet Kantona Sarajevo za 2020. godinu - primici

Kriteriji za dodjelu sredstva:

Sredstva se dodjeljuju implementatoru projekta izgradnje saobraćajnica.

Kapitalni transferi javnim preduzećima

R.br.	Naziv programa	Korisnik sredstava	Visina sredstva
1.	Izgradnja i opremanje tramvajskih stajališta za kontrolisanu	Javni prevoznici	11.377.294,00 KM

	naplatu karata i uvođenje elektronskog sistema naplate		
2.	Nabavka i remont autobusa, trolejbusa i minibusa	KJKP GRAS	2.816.684,00 KM
3.	Rekonstrukcija i investiciono održavanje tramvajske pruge	KJKP GRAS	650.000,00 KM
4.	Nabavka opreme i ostalih sredstva za parkirališta	KJKP Rad	50.000,00 KM

1. Izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate

Svrha programa:

Finansiranje projekta izgradnja i opremanje tramvajskih stajališta za kontrolisanu naplatu karata i uvođenje elektronskog sistema naplate

Izvor sredstva:

Budžet Kantona Sarajevo za 2020. godinu - primici, transferi

Kriteriji za dodjelu sredstva:

Sredstva se koriste za izgradnju tramvajskih stajališta sa kompletnom opremom, nabavku i opremanje centra za upravljanje javnim prevozom i opreme za funkcionisanje sistema elektronske naplate karata.

2. Nabavka i remont autobusa, trolejbusa i minibusa

Svrha programa:

Finansiranje nabavke vozila za javni gradski prevoz putnika.

Izvor sredstva:

Budžet Kantona Sarajevo za 2020. godinu - primici

Kriteriji za dodjelu sredstva:

Sredstva će se dodjeljivati u skladu sa utvrđenim prioritetima na prijedlog općina u Kantonu Sarajevo i KJKP Rad d.o.o. Sarajevo.

3. Rekonstrukcija i investiciono održavanje tramvajske pruge

Svrha programa:

Rekonstrukcija i investiciono održavanje pruge na dionici S krivina - Marijin dvor.

Izvor sredstva:

Budžet Kantona Sarajevo za 2020. godinu - primici, budžetska sredstva

Kriteriji za dodjelu sredstva:

Sredstva će se dodjeliti za prioritetnu dionicu na prijedlog KJKP GRAS d.o.o. Sarajevo.

4. Nabavka opreme i ostalih sredstva za parkirališta

Svrha programa:

Finansiranje nabavke opreme i ostalih sredstava za parkirališta.

Izvor sredstva:

Budžet Kantona Sarajevo za 2020. godinu - namjenska sredstva

Kriteriji za dodjelu sredstva:

Sredstva će se dodjeljivati u skladu sa utvrđenim prioritetima na prijedlog općina u Kantonu Sarajevo i KJKP Rad d.o.o. Sarajevo.

Izdaci za nabavku stalnih sredstva

R.br.	Naziv program	Korisnik sredstava	Visina sredstva
1.	Nabavka opreme	Ministarstvo saobraćaja	760.000,00 KM
2.	Nabavka stalnih sredstva u obliku prava	Ministarstvo saobraćaja	1.100.100,00 KM
3.	Rekonstrukcija i investiciono održavanje	Ministarstvo saobraćaja	1.250.000,00 KM

1. Nabavka opreme

Svrha programa:

Nabavka opreme za potrebe Ministarstva saobraćaja u cilju sticanja uslova za unapređenje upravljanja saobraćajem i nesmetano odvijanje svih aktivnosti koje su planirane programom rada Ministarstva saobraćaja.

Izvor sredstva:

Budžet Kantona Sarajevo za 2020. godinu - budžet, namjenska sredstva, primici

Kriteriji za dodjelu sredstva:

Utvrđeni prioriteti za ostvarivanje programskih ciljeva u radu Ministarstva saobraćaja.

2. Nabavka stalnih sredstva u obliku prava

Svrha programa:

Nabavka investiciono tehničke dokumentacije za realizaciju kapitalnih projekata.

Izvor sredstva:

Budžet Kantona Sarajevo za 2020. godinu - budžet, primici

Kriteriji za dodjelu sredstva:

Utvrđeni prioriteti za ostvarivanje programskih ciljeva u radu Ministarstva saobraćaja.

3. Rekonstrukcija i investiciono održavanje

Svrha programa:

Izgradnja, revitalizacija i investiciono održavanje saobraćajne infrastrukture.

Izvor sredstva:

Budžet Kantona Sarajevo za 2020. godinu - budžet, namjenska sredstva

Kriteriji za dodjelu sredstva:

Utvrđeni prioriteti za ostvarivanje programskih ciljeva u radu Ministarstva saobraćaja.

Član 3.

Sredstva utvrđena Programom iz člana 1. ove odluke raspoređivat će se prema kriterijima za raspodjelu sredstava po tekućim i kapitalnim transferima utvrđenim za svaki program posebno.

Član 4.

U skladu sa ovom odlukom, pojedinačne odluke o dodjeli sredstava korisnicima u svim navedenim tekućim i kapitalnim transferima donosi ministar saobraćaja.

Član 5.

Korisnici sredstava, Sektor za sigurnost, tehničku regulaciju saobraćaja i saobraćaj u mirovanju, Sektor za prijevoz i Direkcija za puteve obavezni su da Ministarstvu odnosno Sektoru za ekonomske poslove, planiranje razvoja i realizaciju projekata dostavljaju kvartalno izvještaje o utrošku sredstava i to najkasnije 30 dana nakon završetka kvartala.

Član 6.

Korisnici sredstava obavezni su da dodjeljena sredstva koriste namjenski i da dostave izvještaj sa kompletnom dokumentacijom kojom se dokazuje namjenski utrošak sredstava najkasnije do 31.01. naredne godine.

Član 7.

Ministarstvo će pratiti namjenski utrošak sredstva iz člana 1. ove odluke.

Član 8.

U skladu sa Zakonom o izvršavanju Budžeta Kantona Sarajevo za 2020. godinu ("Službene novine Kantona Sarajevo", br. 10/20, 18/20 i 29/20), Ministarstvo kvartalno podnosi izvještaj o utrošenim sredstvima Ministarstvu finansija Kantona Sarajevo, a Ministarstvo finansija izvještava Vladu Kantona Sarajevo.

Član 9.

Za realizaciju ove odluke zadužuje se Ministarstvo finansija Kantona Sarajevo i Ministarstvo saobraćaja Kantona Sarajevo, svako u okviru svoje nadležnosti.

Član 10.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-51216-4/20
31. decembra 2020. godine
Sarajevo

Premijer
Mario Nenadić, s. r.